

及門遺範

全

卷一


三

七

武



及門遺範



江戸刊于  
玉嶽畫堂

及門遺範

語曰、先進於禮樂野人也、後進於禮樂君子也、蓋孔門諸弟子、親炙聖人、同受循誘之訓、成德達材、彬彬君子、宜如無先後之異焉、然自質趨文、古今常勢、以聖人視之、亦不能無小變、三十年爲一世、則其有先後、今猶古、何獨聖門爲然也、安嘗遊藤先生之門、因謫劣寡陋、何敢自比先進、然自幼從遊、歲月尤長、幸得聞見先生誨人之始終、今也不見先生亦已久矣、而安亦老

憊竊恐先生教養之遺軌後輩或未之詳  
廻錄及門之日所親炙聞見者以備他日  
一考若夫先生家庭之訓則斌卿固既紹  
述有餘不待安論列焉

一先生教人專在忠孝蓋先生至性純孝而慷慨好義其幼善事親弱冠居喪疾痛悲哀持心制三年著書論古今執喪得失門人受讀往往倣之盡三年之哀推其孝以及人者如此忠義亦出於天性成童讀保建大記憤發興起從此好讀書倍他日十八歲著正名論

言君臣大義其教子弟以忠孝者本於此也  
一先生尤重君臣之義恒語人曰 天祖垂統天孫繼承奉三器以照臨宇內皇  
統縣縣與天壤無窮實如 天祖所命是  
神州之所以冠四海萬國 天祖 天  
孫固與天一矣世世相襲號天津日高騰極  
謂之 日嗣 神天合一與殷周配天  
尚不免於與天爲二者不同矣先生諭國體  
其大旨如此蓋奉 義公之遺意云而近時  
稱 皇國學者荒唐不經之談則亦所不取

也。

一世俗業儒者、久承五山僧徒之陋習、令幼童先誦文選、先生則先授孝經、次之以四書五經、四書五經之目、出於後人所論、先生授幼童讀之者、始從時俗所習熟、不欲苟焉

異也、時時於習讀中、取其易喻者一二件、輕輕闡說、比句讀稍熟、略曉文義、乃使之讀史記左傳國語漢書等、遇其有可興起心志者、娓娓講解、使人不知倦、時吟誦前賢詩文、以感發其志氣、或談論古今嘉言懿行禮樂制度政教刑兵措置之得失、君臣父子之名分恩

義、四海萬國之形勢變革、華夷內外之辨、一一指示、因其憤悱而啓發之、其講經、務明大義、合德行事業爲一、使人自入聖賢區畫橐籥中、識見日闊不自知焉、先生誨人之次序、大要如此、然成德達材、皆因其人資質、不必規規於一律也。

一先生教人、後虛文而先實行、然文墨之業、亦非所廢、要在使人盡其所長、如其實行、務在長善、不拘拘於責惡、是以人亦勸於爲善、而耻於爲惡、蓋磨礪名節之效爲然也、平居好

稱人善而不喜道其惡待人寬厚自持嚴正人親愛之而不敢狎亵至於其有所感吐露肝膽則雖庸人懦夫亦莫不揚揚然激昂憤發其善誘人如此

一先生誨人以恭遜爲先安之幼每戒忿爭讀書遇古人孝弟忠信之事縷縷說話有如提耳常誦諸葛武侯戒子之語言尚在耳或與親朋談論國事不令小子輩聞之安輩亦專讀書質疑不敢爲闕黨童子故雖時聞天下之事而不知一國史事臧否蓋先生誨人欲

其器之晚成而不欲其速成又屢誦義公之言曰童子當爲童子而切誠譏議時政亦此意也然少年銳氣之人多悅於激勵之言不思戒敕之意狂簡斐然而忘所以裁之亦非先生之意也

一先生不喜臧否人物安之受業投資治通鑑而不及綱目歷史綱鑑等書謂綱目書法謹嚴然其所附載書法發明等多譏議古人令少年讀之其弊議論太過責人苛酷恐失忠厚之意甚至好稱人惡綱鑑等亦然又謂山

崎氏之書、其興起節義之氣甚佳、然所論過密、使人心狹隘、疾不仁已甚、非所以長養德器也。

一先生每誦陶淵明語曰、好讀書不求甚解、每有意會、便欣然忘食、讀書求甚解、其能實解之者蓋鮮矣、但其有意會、而至欣然忘食、雖不甚解、而實能解之者也、又曰、咀嚼二字、讀書之要訣、讀書不能咀嚼玩味、忽忽看過、雖日誦十百卷、大抵不免爲耳食之徒、又曰、古人謂眼光透紙背、是真能讀書者、若徒嘗古

人糟粕、不能閑活眼以看破繫處、誦習陳言、疎迹、所見不過紙面文字、不可謂之能讀書者、安謂能有咀嚼、而後眼光可透紙背、如此則意會忘食亦在其中也。

一看經書者、使之先就經文、熟讀玩味、或一篇中前後相照應、喚呼者、或於他書中、其意義可彼此互相發者、一一指示、又使之自思而得之、融會貫通、有感發興起、然後稍就傳注質疑義、蓋所以使之時有意會、而亦未必要其甚解也、近世耳學之人、或未然讀經文、先

看傳注傳注先入爲主經文爲客其弊至徒信後儒說不信經文經文反爲後儒之注脚亦聖經之一厄也

一先生談說孝經以愛敬二字爲第一義發仁孝一本之義徵之曾孟之言鑿鑿有確據而講論諸經必以論語爲首每誦大寶令介經教授孝經論語令學者兼習之將著梅菴筆叢粗有端緒未就而即世誠爲可憾矣然學者能熟讀二書反復玩味果有意會庶幾不倍先生之意也

一先生恒言學者學爲君子非學爲儒者故論語以君子二字始終之又言道者成人之道非儒者之私業故夫子成德達材有德行有言語有政事有文學各因其人所長成就之儒則古以道藝教人周官云儒以道得民是也故夫子誨子夏以爲君子儒以其長於文學也周末道不行門弟子各以其所學教授後輩而人稱之爲儒者之道是非聖人之本意後學者當以成人自期不必要爲儒者學而爲君子是則孔門之學也安謂 義公論

士臣曰、士不可以不學道知人倫之義、匹夫之勇、非所貴、學道知義、雖寡人亦儒也、此以儒自處、似不與先生之意同、蓋公則勸士大夫學、所謂儒者亦唯指學道者爲言、而其意在明人倫、則亦學爲君子而非爲村夫子之謂、其言雖異、其意則同也、

一先生謂古者文武一塗、未嘗分以爲二、無論海內外、其致相同、故男子生、則以桑弧蓬矢射天地四方、天地四方、男子所有事也、孔子曰、有文事者必有武備、而其折齊人驕慢之

氣折衝於樽俎之間、陳恒弑君、則請討之、明大義於天下、與後世下帷揮塵徒文不武者不同、况神州自太初崇尚勇武、而當今食武家之祿、豈可徒事文墨以失武士之本業哉、是以使門人兼習武技、不倣於自面書生好爲輕弱之態、

一又謂習武者所以臨陳盡已職分、本非私闢之用、而亦非演場銜技之具、當去花法專務實用、當時承泰平之餘習、演技者多株守昔人成法、拘泥陳跡、不能出其區域、先生嘗與

杉山子方等學伊勢所傳吉田射法、又招傳戶寄氏刀法者、使教授少年、自是如小野之刀種田之槍、荻野之銃、往往傳播、而師家傳舊法者亦勢講求實用、自出機軸、至有稱雄於四方者、先生實爲之嚆矢、則非獨於文學多所發明、其於武技亦不可謂無益於國家也。

一先生幼以神童稱、立原先生最愛其才、自少年所交、一時豪傑、如高山仲繩、蒲生君誠、慷慨憂天下、每以肝膽相許、如木村子虛忠、憤

報國、僧實源高邁好義、皆情好親善、其經生學士文人墨客、如杉山高橋、青山以下諸子、則固亡論、而如增子之寬厚、池原之後、夾川瀨之勇決、雖非讀書之士、而亦當世人傑、相信最深、川瀨恒稱先生有無學門人如子者、亦爲一奇、此雖載言、亦可觀其取友用舍、好惡無所偏倚、其他俊彥以及武人俗吏、農夫賈豎、苟有志氣有材藝者、慇懃勸勵、雖寸長片善、採之勸之、各隨其才所長而導之、閑懷說話、傾倒底蘊、其人莫不恍然心醉、其教育

子弟隨其材所長性所好、指示開導、每謂世儒教人多把持一箇格法、欲使其面目氣臭盡作一樣態度、不許毫出其區畫範圍、如治金出模、整整然一樣形狀、非聖人成德達材之道、皆坐於偏信後儒之說、而不知至侮聖人之言也。

一先生於文學、網羅古今、會萃衆說、斷之以聖經、謂漢儒博士之學、先訓詁疎、實用甚者、流識緯之言、大害聖人之道。宋儒一洗陋習、說躬行心術、其見卓矣、然自信太過、蔑視前賢、

以爲繼二千年絕學、至後學之弊、則或知有濂洛、而不知有洙泗、明人言敢於非周公孔子、不敢於非宋人、亦有非諱者、而自設藩籬立門戶、見異於已者、則排擯以爲異學、不能汎愛容衆、陳同甫以英邁之才、倡大義、其王霸之辨、不爲無一得、然豪氣過甚、其言亦有不醇者、王伯安一代人豪、其謂就物窮理爲支離、亦如有一理、然自恃聰明、浸淫禪機、則失聖人之旨、明清考證之學、解經精密、然或務碎細、遺大義、不無一失、熊澤氏才識絕倫、

然偏信王學，則未爲得。山寄氏磨礪節義，有益風教。然狹隘多僻說，伊藤氏以論語爲宇宙第一書，說擴充之義，可謂卓見。然見道過平易，亦流於一偏。荻生氏雄才卓識，壓倒古今，然英雄欺人，說經多牽強，以道爲先王所造作，不知君臣之名舉夷之分，新井氏聰明絕倫，爲經綸之才，然至君臣名分，則大失其義。此皆有長有短，舍短取長，以聖經爲根據，庶幾其不倍矣。安謂義公嘗曰：「先賢各有所見，廣蒐博採，用之不偏，則善。」執偏見拘泥

一隅，儒中之異端矣。先生蓋奉公遺意也。

一古文尚書、孝經孔傳、孔子家語，後人僞作，東  
神西漢上諸儒辨之，既有明說。先生垂歲亦辨明之，有舜典二十八字考，又辨安國孝經序，僞造之跡，鑿鑿有確據。時太田公幹倡考證學論說，經義大有所發明。其辨古文繆妄，極爲詳悉。先生每推稱其博大，使門人謄寫其所著書，或使之游其門而受業，是以門下之士，講論經書，有得於公幹者亦多。先生取善於人，不挾彼此如此。公幹亦與先生相懽甚。

厚嘗有送序曰天下之英雄公與我而已蓋  
公幹所長雖在明經而先生之志則在事業  
故以英雄目之也

一先生原於春秋尊王攘夷之義尤謹於名分  
君臣上下之際華夷内外之辨論之極詳明  
行文措辭其涉名分者雖片言隻字未嘗容  
易下筆而最致思於

神聖經綸之業講

究典章制度立論精確蒲生君臧亦務講究

一典故所發明往往出人意表謂人曰我周流  
天下未嘗見英才卓識如子定者而先生亦

數嗟稱君臧特見前後罕儔每其來遊使門  
人就而質問焉曰得奇士而從遊可以長才  
氣而門人得益者亦爲不尠矣

一先生好誦古人歌詞以勸勵後生而從遊之  
士善歌詞者往往有之常謂詩言性情漢唐  
之詩猶周詩三百人情風俗瞭然可觀可以  
感發興起人之志意皇朝之歌亦猶漢唐  
之詩自古事記書紀所載而及萬葉集以下  
歷朝撰集可使人感發興起者爲不尙然至  
末俗之弊則貴綺麗務纖巧而中華之言滌

猥不可道者、比比有之、乃欲使門人鈔錄其切於人倫、裨於風教者、題曰、葦原集、取之大祖葦原之什也、未果而終、從游善歌詞者亦相踵凋謝、良爲可憾也。

一先生嘗以儀禮經傳通解授安讀之、曰、朱考亭講究實學、其所以施於事業之志、於是書可見其本色焉、野中兼山嘗命鏤之梓、可謂得紫陽之真面目矣、安謂聖人之道修己治人、在合外內、考亭之論性理、所以修己、編此書所以治人、故見其戊申封事等書、亦可觀

施於事業之志、世稱宋學者、多言修己而遺治人、其倍聖人之大道固亡論、而於考亭之意、亦偏舉一端而失全旨、使考亭聞之、其謂之何、

一先生好讀周官、謂聖人經緯天地、綱紀國家、悉備於此書、其發明之說、大抵前賢所未發、而其說寄軍令於內政、與管仲治齊同意、司馬之軍制、即司徒之六鄉、治之之法、多與今制合、西土諸儒、在郡縣之世、而說封建之制、多紙上之談、不可盡信、今世目見封建之勢、

猥不可道者、比比有之、乃欲使門人鈔錄其切於人倫裨於風教者、題曰、草原集、取之大祖草原之什也、未果而終、從游善歌詞者亦相踵凋謝、良爲可憾也。

一先生嘗以儀禮經傳通解授安讀之、曰、朱考亭講究實學、其所以施於事業之志、於是書可見其本色焉、野中兼山嘗命鏤之梓、可謂得紫陽之真面目矣、安謂聖人之道修己治人在合外內、考亭之論性理、所以修己編此書、所以治人、故見其戊申封事等書亦可觀

施於事業之志、世稱朱學者、多言修己而遺治人、其倍聖人之大道固亡論、而於考亭之意、亦偏舉一端、而失全旨、使考亭聞之、其謂之何、

一先生好讀周官、謂聖人經緯天地、綱紀國家、悉備於此書、其發明之說、大抵前賢所未發、而其說寄軍令於內政、與管仲治齊同意、司馬之軍制、即司徒之六鄉、治之之法、多與今制合、西土諸儒、在郡縣之世、而說封建之制、多紙上之談、不可盡信、今世目見封建之勢、

論周室封建之世，愈覺其的切事情，不獨軍制爲然，安聽此言，恍然如有發蒙，始知此書之切於實用，信先生之厚貺也。

一先生謂易之起，本由象數而義生焉。漢儒說象數，尚爲近古，唯其說多牽強附會。王氏專說義，一洗陋習，然離象數言義，失其本。且所說出於老莊之見，至程傳始本聖人之意，爲得其正。及朱義出，而經文復古，而其義亦益明，然皆不論象數，則未爲得其義之所本。學者兼象義而推求之，然後始爲不失學易之

本末矣。

一先生謂聖人之道，仁孝爲本，明人倫，濟天下，德行與事業一，光明正大，不爲隱微。高妙之言，唯於易發精微之旨，然天地生生之道，陰陽仁義，一其本天人合一其旨皆實，與佛家空寂之見相冰炭。後儒或見佛之高妙，而心竊羨之，欲與之相抗，亦別設一種高妙之說，以自立門戶，故其說雖排佛，而往往與此相出入，不免被其氣臭薰染，與周易精微之旨有間，是求其說高於聖人，由其自信篤於信

聖人亦豪傑之一失也。

一先生專力正學，不好曲藝小技，而視記聞俗學，亦與他雜藝等。素不喜晉人清談之流，尤惡老莊之學。謂老氏陽唱恬澹無爲，陰自恃聰明貴智術，不欲蹈古人轍迹，非譏聖人別立一箇之見。其流爲申韓、司馬子長以申韓與老莊同傳，可謂卓識。故先生說老子之書，與王弼等夐別。戲謂人曰：「我欲造老子像，擊其頭爲節，以說其書，亦一快矣！」而其所解說皆前人所未發也。

一先生素憂戎狄窺邊，寬政甲寅，俄羅斯來東  
蝦，乞通市。先生察其情僞，推求古今戎狄之  
形勢，瞭然如指掌，且辨破其虛誕誇張之妄  
說，如云六十年史書，具存又云中世有大洪  
水人物，蕩然無復存者，其言自相矛盾，其  
餘所論，破今不盡錄。明如觀火，而謂脫使西夷得志，宇  
內晦暗，天地爲長夜矣。安聞之茫然自失，如  
無所措身焉。其激勵後輩如此。而屢誦陳同  
甫上書高宗言，舉一世安君父之大讐，不知  
何物是性命，故後輩亦知性命之不可附空  
言。當時不見于文二百年，文恬武熙，無復言

兵事者、先生謂滿清乾隆之西師、去今二三十年、一水之外、用大兵革如彼、雖海內無虞云乎、而治安焉可恃、迺欲著西土誥戎記、以警發世之安於無事者、屬稿粗成、遭多故不果見、今清有寧波廣東之變、而西夷張大逞、覬覦益甚、世亦多以兵事爲言、果如先生所憂矣、

一先生講究經史學無不該、而於聖人經綸事業尤致力、內之則自天神創業、列

聖繼述、以至皇綱解紝武人爲政、外之則

自堯舜周孔立政、明教漢唐宋明治亂興衰、以至身毒西洋形勢、沿革異教、因民吞併肆毒之跡、上下數千歲、推究原委、甄別臧否、禮樂制度、經國治民之規模、人情風俗之變態、論之如指掌、而贊古徵今、自幕府法令、及我東藩政治教禁、徵之文書、求之口碑、雖斷簡破牘、俚言瑣語、莫不採錄蒐羅、其鈔錄記載、積至汗牛充棟、門人請著述成編、先生曰、吾學既不得試諸事業、托之文字、亦不可以已、我將待年至知命、然後有所著作焉、其

言未及遂以五十三而終實文政九年丙戌冬十二月朔也距今二十餘年門人亦離合聚散凋謝不勘追懷往事泫然書之

庚戌冬日

門人會澤安述

及門遺範終

常陸正志齋會澤先生著述目錄

思問編

孝經考

一卷

中庸釋義

一卷

刪詩義

一卷

典謨述義并附錄五卷

讀論日札

四卷

讀書日札

三卷

讀易日札

未成

讀周官

三卷

正志齋雜錄

一卷

閻聖編

一卷

新論

二卷

迪彝篇

一卷

艸偃和言

一卷

學制略說

一卷

退食間話

一卷

洙泗教學解

一卷

及門遺範

一卷

下學邇言

七卷

責難解

一卷

泰否炳鑒

四卷

江湖負喧

三卷

讀直昆靈

讀葛花

附讀級戶風讀萬我能比禮

一卷

閻聖漫錄初編

一卷

息邪編

豈好辯

一卷

千鳴異聞

一卷

兩眼考

一卷

三眼餘考 一卷

息邪漫錄初編 二卷

三編之餘

正志齋文稿

正志齋詩艸

會澤先生所著書目如右、而其如  
三眼餘考等諸書、有深藏筐篋不  
示人者、其餘可公布者、他日將就  
請上梓、今豫揭其目以誌四方君子、

玉嚴堂主人謹識

文久元年辛酉新鐫

江戸 横山町三十日

玉嚴堂 和泉屋金右衛門

